

Art sper il Rein a Trun

Per liung dalla riva dil Rein posseda la vischnaunca da Trun in'attractiva exposiziun

■ (ac) In'attractiun eis ella gia dapi entgins temps. La «Senda d'art spel Rein» a Trun. La sonda passada ei la senda vegnida aviarta officialmein.

Biabein in kilometer senda da viandar spel Rein ella vischinonza dalla vischnaunca da Trun ei vegnida embellida tec a tec cun 28 ovras da 16 artistas ed artists. Senda d'art spel Rein senumna il project inzialia da Leo Demund e dalla cumissiun da cultura da Trun. Sut l'egida da quella cumissiun da cultura ha la gruppa da project Senda d'art spel Rein envidau la sonda passada all'avertura officiala. In numerus publicum ha seschau carmalar alla riva dil Rein per prender investa dallas installaziuns, plasticas e figuras en fier e lenn che derivan da duas artistas e 14 artists. Artistas ed artists ein pli u meins tuts da derivonza da Trun e contuorn e dattan perdetga dalla forza creativa indigena. La gronda part dil publicum ei buca staus per l'emprema ga el plaz d'exposiziun. Gia dapi jamnas accompognan els cun interess sco l'exposiziun sesvilupe-scha. Il tschancun dad in kilometer per liung dalla riva dil Rein ha tec a tec retschert ina nova fatscha che porscha buca sulet investa ad in vast spectrum dalla lavur artistica indigena. Era la cuntrada ha, grazia allas ovras posiziunadas ed integradas egl ambient natural, retschert tut in auter aspect.

Ilis organisaturs ein sadisfatgs

Gronda satisfaziun per ilis organisaturs dalla Senda d'art sper il Rein da retscheiver in tal eco buca sulet era durant il gi dall'avertura officiala. Giuseppe Decurtins sco president dalla cumissiun da cultura da Trun ha menziunau en siu plaid d'avertura las stentas da tut ilis participants che han gidau a realisar la senda d'art. En emprema lingia inaga agl artist Leo Demund che ha buca mo inzialia



Il president dalla cumissiun da cultura da Trun, Giuseppe Decurtins, ha explicau als intressents la realisaziun dalla Senda d'art spel Rein.

l'exposiziun. El ei s'engaschats continuadamein durant las jamnas passadas per gidar a realisar la senda. Donat Nay, il president communal da Trun, ei incantaus dalla nova purschida culturala da Trun. Ina purschida che rendi attractiva la vischnaunca.

Suenter in apero da beinvegni e l'aver-

tura officiala han ilis visitaders, da cum-pignia cun artistas ed artists, saviu prender investa dils exponats. Sco quei che Giuseppe Decurtins ha tradiu ei ina tala exposiun sulet pusseivla grazia ad in grond engaschi voluntari e cun agid finanziel da numerus sponsurs. Era la vischnaunca da Trun ei stada generusa ed ilis luvrers da



In ambient spezial per in installaziun da Gieri Schmed.

FOTOS A. CADONAU

vischnaunca han prestau dabia lavur per che la senda sepresenti el stan actual. Davart las stentas finanzielas ha il president dalla cumissiun da cultura aunc buca saviu far indicaziuns pli concretas. El e ses cuninizants dalla senda d'art spel Rein ein intenziunai da continuar cun la lavur. Ilis exponats restan per in onn el

liug. Suenter san els vegnir allontanai dils artists e vegnir remplazzai dad autras ovras. Giuseppe Decurtins ha tradiu che la senda d'art sappi vegnir augmentada g'onn proxim cun ulteriuras ovras. Aschia che la preschientscha dalla senda d'art semida buca sulet egl ambient dalle differentas stagions.

Liricas Analias agl Open Air Frauenfeld

La band romontscha presenta il program per la stad 2007

DA FLAVIO CANDINAS

■ Las Liricas Analias presentan il program per la turnea per la stad 2007. Dils 26 da matg entochen ilis 8 d'october ein endisch concerts planisai. Il punct culminont dalla turnea da stad ei igl Open Air Frauenfeld. La band romontscha tuorna era ella regiun. La medema fin d'jamna sco agl Open Air Frauenfeld concerteschan la Liricas Analias a Rensch, leu ein ilis siat musicists il punct culminont digl Open Air Trun. «In concert ella regiun ei adina zatgei special bi», manegia Renzo Hendry, rapper dallas Liricas Analias. Sco il manager Simon Frehner dad Eisbrand ha fatg da saver, seigi igl interess per la band romontscha staus fetg gronds. Els hagien giu varga 20 damondas per concerts ed openairs.

Romontsch fascinescha ilis auditurs

La fin finala seigien els sedecidi da sere-strenscher sin endisch concerts. «Las Liricas Analias ein segiramein aschi dumandadas damai ch'els han ina buna show cun siat persunas sin tribuna. Era il lungatg romontsch fascinescha dabia auditurs», manegia Simon Frehner. Persunas che teidlien schiglioc strusch musica da hiphop e capeschien buca plaid seigien fascinai dalla gruppa romontscha. In svilup positiv hagi el cunzun sentiu suenter il concert agl Open Air Lumnezia ed era igl album «Analfabad» seigi vegnius vendius bunamein 5 000 ga. Era sigl emitur da televisiun Viva Svizra seigi la canzun «Siemis» vegnida emessa fetg savens. Ella ei schizun vegnida denter il top 5

digl onn 2006. Simon Frehner ei dil meini ch'ils rappers dalla Cadi sefan empau sco ambasadurs dil romontsch giu la Bassa.

En sis differents cantuns

La turnea da stad entscheiva cuagl Open Air a Wolfhalden al cantun Appenzell. Era dalla partida a quell'occorrenza ein renomai interprets sco Fools Garden, Vi-

vian ni Baschi. Ilis 8 da zercladur cuntinue-scha la turnea el proxim cantun. A Neukirch, Lucerna, sepresentan las Liricas Analias agl Open Air Soundcheck. In dils acts principals a Lucerna ei la gruppa da rock H-Blockx.

Ilis 9 da zercladur tuornan ilis rappers romontschs el Grischnun. Els concerteschan ella «Stadhalle» a Cuera. Ilis 15 da zercladur vesan ed'aud'ins las Liricas a

Breitenbach el cantun Solothurn. In'jamna pli tard ein ilis hiphoppers anavos en Surselva. Ilis 22 da zercladur ein els a Lumbrin, els sepresentan a caschun dil giubileum da 100 onns societad da musica. Il di suenter ei in ulterior concert particular. «Jeu sun fetg spanegiaus sil Bündner Festival a Cazis che vegn organisaus enstagl digl Open Air Scharans», di Renzo Hendry. Insumma seigi

l'atmosfera pli speciala tier openairs. Sper lur program ed igl album actual «Analfabad» hagien els aunc pinau duas novas canzuns per la turnea da stad, tradescha Renzo.

Avon 25 000 persunas a Frauenfeld

Ilis 13 da fenadur suonda il punct culminont da questa stad. Las Liricas Analias astgan sepresentan al grond Open Air da Frauenfeld. Ilis organisaturs da quei openair quantan cun 25 000 visitaders a di, en tut 75 000. «Nus concertein silla tribuna pintga», declara Renzo Hendry. Quella sappien ins cumparegliar culla tenda da miez rudi ch'igl Open Air Lumnezia havevi inaga. Entras in voting hagien ilis visitaders saviu vuschar igl onn vargau per differentas bands. Era las Liricas Analias dalla Surselva eran vegnidas numnadas stediamein. Sco il manager Simon Frehner ha declarau a LQ, era la cumissiun pil program digl Open Air Frauenfeld medemamein interessada vid las Liricas Analias e tut igl auter ei sedau en cuort temps.

Mo in di suenter il concert a Frauenfeld vegnan ilis rappers da Sedrun, Mus-tér e Breil agl Open Air Trun. Ilis 21 da fenadur reciteschan els a Romanshorn agl eveniment «Beach Open». Ilis 18 d'uost ei la renomada gruppa sursilvana alla tradiziunala fiasta da Cuera. Cul concert dils 6 d'october ad Altstätten termineschan els finalmein lur turnea pulpida. Suenter quels endisch concerts fan las Liricas Analias ina pausa da concerts. Els han en vesta d'edir in tierz album.



Las Liricas Analias tuornan en Surselva. Ilis 14 da fenadur concerteschan ilis rappers sursilvans agl Open Trun

MAD